

比丘尼傳

才四

四百七十九  
羣八

51398



元祿九年丙子二月日重脩

皇圖翠固 帝漸級昌

佛日增輝 懋輪常轉

山城州天安寺法金剛院置



比丘尼傳卷第四

梁大莊嚴寺釋

寶唱撰

鼻

禪林寺淨秀尼五十二

禪林寺僧念尼五十三

城都長樂寺曇暉尼五十四

高昌都郎中寺馮尼五十五

閑居寺惠勝尼五十六

東青園寺清賢尼五十七

竹園寺淨淵尼五十八

竹園寺淨行尼五十九

南晉陵寺令玉尼六十

閑居寺僧述尼六十一



西青園寺妙禕尼六十二

樂安寺惠暉尼六十三

底山寺道貴尼六十四

山陰招明寺法宣尼六十五

禪林寺尼淨秀五十二

淨秀本姓梁安定烏氏人也祖疇征虜司馬

父餐之龍川縣都鄉侯淨秀幼而聰睿好行

慈仁七歲自然持齋家中諸僧轉涅槃經聞

斷魚肉即便蔬食不敢令二親知若得鮭饅

密自弃去從外國沙門普練諮受五戒精勤

奉持不曾違犯禮拜讀誦晝夜不休年十二

便求出家父母禁之及手能書常自寫經所

有財物唯充功德不營俗好不衣錦繡不著粉黛如此推遷至二十九方得聽許爲青園寺首尼弟子事師竭誠猶懼弗及三業勤修夙夜匪懈僧使衆役每居其首跋涉勤劬觸事關涉善神敬護常在左右時有馬先生世呼神人也見秀記言此尼當生兜率嘗三人同於佛殿內坐忽聞空中聲狀如牛吼二人驚怖唯秀恬然還房取燭還始登階復聞空中語曰諸尼避路秀禪師歸他日又與數人於禪房中坐一尼軒眠睡中見有一人頭拄屋語之曰勿驚秀尼後時與諸尼同坐一尼暫起還房見一人抵掌止之曰莫撓秀尼秀

尼進止俯仰必遵律軌欲請暉法師講十誦  
律但有錢一千憂事不辦夜夢見鴉鵲鸚鵡  
雀子各乘軒車大小稱形同聲唱言我當助  
秀尼講及至經營有七十檀越爭設妙供後  
又請法穎律師重講十誦開題之日澡罐中  
水自然香馥其日就座更無餘伴起懼犯獨  
以諮律師律師荅曰不犯秀觀諸尼未盡如  
法乃歎曰洪徽未遠靈緒稍墮自非正已焉  
能導物即行摩那埵多果反以自悔守合衆見  
之悉共相率退思補過慙愧懺謝宋元嘉七  
年外國沙門求那跋摩至都律軌清高秀更  
從受戒而青園徒衆悟解不同思立別住外

嚴法禁內安禪默庶微稱己心宋南昌公主  
及黃修儀以大明七年八月共施宜知地以  
立精舍秀麻衣藿食躬執泥瓦夙夜盡勤製  
龕造像無所不備同住十餘人皆以禪定爲業  
泰始三年明帝勅以寺基所集宜名禪林寺  
秀手寫衆經別立經臺在乎寺內娑伽羅龍  
王兄弟二人現迹弥日示其擁護知識往來  
無不見者每奉諸聖僧果食之上必有異迹  
又嘗七日供養禮懺胡跪攝心注想即見二  
梵僧舉手共語一稱弥佉羅一稱毗呿羅所著  
袈裟色如熟桑甚秀即以泥染衣色今如所見  
他日又請阿耨達池五百羅漢復請罽賓國

五百羅漢又請京邑大德二日大會第二日  
又見一梵僧合衆疑之因即借問云從罽賓  
來至已一年使守門人密加覘視多人共見  
從宋林門出始行十餘步奄忽不見又曾浴  
聖僧內外寂靜唯有穢杓之聲其諸瑞異皆  
類此也齊文惠帝竟陵文宣王厚相禮待供  
施無廢年耆力弱復不能行梁天監三年勅  
見聽乘輿至內殿五年六月十七日苦心悶亂  
不復飲食彭城寺惠全法師六月十九日夢  
見一柱殿嚴麗非常謂是兜率天宮見淨秀  
在其中全即囑之得生妙處勿忘將接秀曰  
法師是大丈夫弘通經教自應居勝地全聞



秀病往看之。述夢中事。至七月十三日。少間自夢見幡蓋樂器。在佛殿西二十二日。請相識僧會。別二十七日。告諸弟子曰。我升兜率天宮。言絕而卒。年八十九。

禪林寺僧念尼五十三

僧念本姓羊。泰山南城人。父弥州從事。史念即招提寺曇叡法師之姑也。珪璋早秀。才鑑明達。立德幼年十歲出家。爲法護尼弟子。從師住太后寺。貞節苦心。禪思精密。博涉多通。文義兼美。蔬食禮懺。老而彌篤。誦法華經。日夜七遍。宋文孝武二帝。常加資給。齊永明十年。中移住禪林寺。禪範大隆。諮學者衆。司徒

竟陵王四時供養年九十梁天監三年卒葬秣陵縣中興里內

成都長樂寺曇暉尼五十四

曇暉本姓青陽名白玉成都人也幼樂修道父母弗許元嘉九年有外國禪師曷良耶舍入蜀大弘禪觀暉年十一啓母求請禪師欲

諮禪法母從之耶舍一見歎此人有分令其修習屬法育尼使相左右母已許嫁於暉之姑子出門有曰不展餘計育尼密迎還寺暉深立誓願若我道心不遂遂致逼迫者當以火自焚耳刺史覲法崇聞之遣使迎暉集諸綱佐及有望之民請諸僧尼窮相難盡法崇問

曰汝審能出家不答曰微願久發特乞救濟  
法崇曰善遣使諮姑姑即奉教從法育尼出  
家年始十三矣從育學修觀行裁得稟受即  
於坐末便得入定見東方有二光明其一如  
日而白其一如月而青即於定中立念去白  
者必是菩薩道青者聲聞法若審然者當令  
青者銷而白光熾即應此念青光自滅白光  
熾滿及至起定爲育尼說育尼善觀道聞而  
歡喜讚善時同坐四十餘人莫不歎其希有  
也後胥心疑以爲姦詐相率抄取將歸其家  
曇暉時年十六矣以婢使營衛不受侵逼誓  
無如之何復以許州刺史以賞異問曷良耶

舍答曰此人根利慎勿違之若誓家須相分  
解費用不足者貧道有一蒼頭即爲隨喜於  
是解釋後於禪中自解佛性常住大乘等義  
並非師受時諸名師極力問難無能屈者於  
是聲馳遠近莫不歸服宋元嘉十九年臨川  
王臨南充延之至鎮時年二十一驃騎牧陝  
復藹住南楚男女道俗北面擁篲者千二百  
人歲月稍流思母轉至固請還鄉德行旣高  
門徒日衆於市橋西北自營塔廟殿堂廂廊  
倏忽而成復營三寺皆悉神速莫不歎服稱  
有神力焉年八十三天監三年卒初張峻隨  
父在益州嘗忽然直往不令預知同行賓客

三十許人坐始定便下果粽並悉時珍刺史  
劉悛後當率往亦復如之梁宣武王嘗送物  
使輝設百人會本言不出臨中自往及至乃  
有三百僧并王佐吏近四百人將欲行道遣  
婢來倩人下食王即遣入唯見二弟子及二  
婢奠食都無雜手力王弥復歎其不可量也或  
有問暉者曰見師生徒不過中家之產而造  
作云爲有若神化何以至此耶答云貧道常自  
無居貯若須費用役五三金而已隨復有之  
不知所以而然故談者以爲有無盡藏焉時  
又有花光尼本姓鮮深禪妙觀洞其幽微遍  
覽三藏傍兼百氏尤能屬文述暉讚頌詞旨

有則不乖風雅焉

僞高昌都郎中寺馮尼五十五

馮尼者本姓馮高昌人也時人敬重因以姓  
爲号年三十出家住高昌都郎中寺齋蔬一  
食戒行精苦燒六指供養皆悉至掌誦大涅槃  
經三日一遍時有法惠法師精進邁羣爲  
高唱一國尼依止師馮後忽謂法惠言阿闍黎  
來好馮是闍黎善知識闍黎可往龜茲國金  
花寺帳下直日聞當得勝法法惠聞而從之  
往至彼寺見直日直日歡喜以蒲陶酒一斗  
五升與之令飲法惠驚愕我來見勝法翻然  
飲我非法之物不肯飲直日推背急令出去法

惠退思我既遠來未達此意恐不宜違即頓  
飲之醉吐迷悶無所復識直日便自他行法  
惠酒醒自知犯戒追大慙愧自椎其身悔責  
所行欲自斷命因此思惟得第三果直日還  
問曰已得耶答曰然因還高昌未至二百里  
初無音信馮呼尼衆遠出迎候先知之迹皆

類此也高昌諸尼莫不師奉年九十六梁天  
監二年卒

梁閑居寺惠勝尼五十六

惠勝本姓唐彭城人也父僧智寓居建康勝  
幼願出家以方正自立希於語言言必能行  
身無輕躁旬日不出戶牖見之者莫不敬異

以宋元嘉二十一年出家時年十八為淨秀  
尼弟子住禪林寺以其戒後講法華經隨習  
善寺緒尼學五門禪後從草堂寺惠隱靈根  
寺法穎備修觀法竒相妙證獨得懷抱人見  
而問之皆答云罪無輕重一時發露懺悔懇  
惻以晝係夜貴賤崇敬供施不斷年八十一  
梁天監四年卒葬于白板山也

東青園寺淨賢尼五十七

淨賢本姓弘永世人住青園東寺有幹局才  
能而好修禪定博窮經律言必典正雖不講  
說精究旨要宋文皇帝善之湘東王或齟齬  
之年眠好驚魘勅從淨賢尼受三自歸悻寐



即愈帝益相善厚崇供施內外親賓及明帝  
即位禮待益隆資給彌重建齋設講相繼不  
絕當時名士莫不宗敬後惣寺任十有餘載  
年七十五梁天監四年卒復有惠喬寶顥皆  
知名惠喬坐禪誦經勤營衆務寶顥誦法華  
經明於觀行

竹園寺淨淵尼五十八

淨淵本姓時鉅鹿人也幼有成人之智五六  
歲時常聚沙爲塔刻木成像燒香禮拜彌日  
不足每聞人言輒難盡取其理究二十出家  
戀慕膝下不食不寢飲水持齋諫曉不從終  
竟七日自尔之後蔬食長齋戒忍精苦不由

課厲師友嗟敬遠近稱譽齊文帝大相欽禮  
四事供養信驛重沓年七十一梁天監五年卒  
竹園寺淨行尼五十九

淨行即淨淵尼第五妹也幼而神理清秀遠  
識道贍爽列有志分風調舉止每輒不群少  
經與太秣令郭洽妻臧氏相識洽欲害其妻  
言洙于路行請兄諫洽洽不從之行密語臧  
氏臧氏不信行執手慟泣於是而返後一二  
日洽果害之及年十七從法施尼出家住竹  
園寺學成實毗曇涅槃華嚴每見事端已達  
旨趣探究淵蹟博辯無窮齊竟陵文宣王蕭  
子良厚加資給僧宗寶亮二法師雅相賞異

及請講說聽衆數百人官第尼寺法事連續  
當時先達無能屈者竟陵王後區品學衆欲撰  
僧錄莫可與行爲輩後有尼聰朗特達博辯  
若神行特親狎之衆亦以爲後來之秀可與  
行爲疇也行晚節好禪觀菜食精苦皇帝聞  
之雅相歎賞年六十六梁天監八年卒葬于

鍾山也

南晉陵寺釋令玉尼六十

今玉本姓蔡建康人也父朗少出家住何后  
寺禪房爲淨暉尼弟子淨暉律行純白思業  
過人玉少事師長恭勤匪懈始受十戒威儀  
可觀及受具戒禁行清白有若冰雪博尋五

部妙究幽宗雅能傳述梁邵陵王綸大相欽  
敬請爲南晉陵寺主固讓不當王不能屈以  
永徽元年徵再勅事不獲免在任積年不  
矜而莊不厲而威年七十六梁天監八年卒  
寺復有令惠戒忍惠力並顯名今惠講妙法  
蓮華維摩勝鬘等經勤身蔬飯卓然衆表戒  
忍聰朗好學經目不忘惠力雅識靈通無所  
矯競

閑居寺僧述尼六十一

僧述本姓懷彭城人也父僧珍僑居建康述  
幼而志道八歲蔬食及年十九以宋元嘉二  
十四年從禪林寺淨秀尼出家節行精苦法

檢不虧遊心經律靡不遍覽後偏功十誦文  
義優洽復從隱審二法師諮受秘觀遍三昧  
門移住禪林寺為禪學所宗去來投集更成  
囂動述因有隱居之志宋臨川王母張貴嬪  
聞之捨所居宅欲為立寺時制不得輒造到  
元徽二年九月一日汝南王母吳充年華啓  
勅即就締構堂殿房宇五十餘間率其同志  
二十人以禪寂為樂名曰閑居述動靜守真  
不斲浮飾宋齊之季世道紛喧且禪且寂風  
塵不擾齊文惠帝竟陵文宣王大相禮遇修  
飾一寺事事光奇四時供養未曾休息及大  
梁開泰天下有道白黑敬仰四遠雲萃而述

不蓄私財隨得隨散或賑濟四衆或放生乞  
施造金像五軀並皆壯麗寫經及律一千餘  
卷標帙帶軸寶飾莊嚴年八十四梁天監十  
二年卒葬于鍾山之西陽也

西青園寺妙禕尼六十二

妙禕本姓劉建康人也齟齬之年而神機秀  
發而幼出家住西青園寺戒行無點神情超  
悟敦信布惠莫不懷之雅好談說尤善語笑  
講大涅槃法華十地並三十餘遍十誦毗尼母  
經敷說隨方導物利益弘多年七十梁天監  
十二年卒也

樂安寺惠暉尼六十三

惠暉本姓駱青州人也六歲樂道父母不聽  
至年十一斷葷辛絕味清虛淡朗姿貌詳雅  
讀大涅槃經誦妙法蓮華經及年十七隨父  
出都精進勇猛行人所不及父母愛焉聽遂  
其志十八出家住樂安寺從斌濟柔次四法  
師聽成實論及涅槃諸經於十餘年中鬱爲  
義林京邑諸尼無不師受於是法筵頻建四  
遠雲集講說不休禪誦無輟標心正念日夕  
忘寢王公貴賤無不敬重十方嚫遺四時殷  
競所獲之財追造經像隨宜遠施時有不泐  
者改緝樂安寺莫不新整年七十三梁天監  
十三年卒葬于石頭崗時復有惠音以禮誦

為業

底山寺道貴尼六十四

道貴本姓壽長安人也幼清夷冲素善研機  
理志幹勤整精苦過人誓弘大化葷鮮不食  
濟物為懷弊衣自足誦勝鬘無量壽經不捨  
晝夜父母優念使其為道十七出家博覽經  
律究竟文理不羨名聞唯以進道為業觀境  
入定行坐不休悔過發願言辭哀敏聽者震  
肅齊竟陵文宣王蕭子良善相推敬為造頂  
山寺以聚禪衆請貴為知事固執不從請為  
禪範然後許之於是結桂林下栖寄畢世縱  
復屯雲晦景委雪埋山端然寂坐曾無悶焉



得人信施廣興福業不以纖毫自潤己身年  
八十六梁天監十五年卒葬于鍾山之陽也  
山陰昭明寺釋法宣尼六十五

法宣本姓王剡人也父道寄世奉正法宣幼  
而有離俗之志年始七歲而蔬食苦節及年十八  
誦法華經首尾通利解其指歸坐卧輒見帳

蓋覆之驟有媒娉誓而弗許至年二十父母  
攜就剡齊明寺德樂尼改服從道即於是日  
帳蓋自消博覽經書深入理味成戒已後鄉  
邑時人望俗義道莫不服其精致逮宋氏之  
季有僧柔法師周遊東夏講宣經論自嶧  
堦時證而之禹穴或發靈隱或往姑蘇僧柔數

奴勅

論之趣惠基經書之要咸暢其精微究其淵  
與及齊永明中又從惠熙法師諮受十誦所  
食日優所見月蹟於是移住山陰招明寺經  
律迭講聲高于越不立私財以嚫施之物修  
飾寺宇造構精華狀若神功寫經鑄像靡不  
必備吳郡張援穎川庾詠汝南周顒皆一時  
之名秀莫不躬往禮敬齊巴陵王蕭昭胄出  
守會稽厚加供待梁衡陽王元簡即到郡請  
為母師春秋八十三梁天監十五年卒矣

比丘尼傳卷第四

羣

妙禕

下於宜反

粲之

上七旦反

鮭鱠

上戶下時

街反

魚名也

食也

軒眠上胡旦反抵掌上音只鴉鵲上烏加反

鸚鵡二音欲洪徽下音暉稍隕反下墜也

藿食野上郭反吐羅迦反桑葢下食審反罽

賓上居覘視反圭璋圭璋二音抄取反擗反南人曰擗北市人約

日曇反羊珪璋圭璋二音抄取反擗反南人曰擗北市人約

素告也驃騎去聲武職也擁篲九反倏忽叔音

果粽下子劉悛輕躁到反悵惻力反幹局旦上奠食殿上設音

也驚愕各反輕躁到反悵惻力反幹局旦上奠食殿上設音

齧齧謹上音條驚魔睡下魔也悸寐季上求反

下密二反驚也鉅鹿上音巨重沓下唐反太秣

末字音郭洽夾下咸臧氏言泄下音薛邵陵

照上反市僑居反上寄也囂動上許嬌反貴嬪音下

也誤	媒	姓音	妃頻
迭	娉	也落	也
反徒	反下	人	不
結	娶	葷	敦
	也	辛	教
	疋併	臭上	友胡
	崢	菜兄	雲
	嶸	也云	萃
	瞽	反	反丁
	剡	他	集
	縣	平	也
	也	反	遂
	傳	下	賑
	自	時	濟
	切	證	一上
	勅	反	音
	奴	在	音
	反	會	振
		巾	駱



!!

